

آنادولو مجموعه سی

صافی : ۴

فازاتیق آوغلو ، نور علی ، جلال	احمد رفیع
هدائی	محمد خالد
موصل وحوالینسندہ توزکار	نجیب عاصم
طاشان منبع	اسماعیل نامی
غربت	نجیب فاضل
آنادولو اقلیمی	ابراهیم حق
آنادولونک فتحی	مکرمین خلیل
ایلیک منبع	حیدر نجیب
تصوفی خلق ادبیات مزہ دائرہ موطلر	محمد خالد
هجرت	ضیاء الدین فخری
کیچہ یاریسی	نجیب فاضل
ایلیک ایزلری : قیزلر آغاسی	

ناشری : آنادولو قومانییت نشریات شرکتی



آنادولو قومانییت نشریات شرکتی

آنادولو مجمری

ایده بر نشر اولنور

صافی : ۴۰

۱ تموز ۱۳۴۰

سنه : ۱

مصابحه

آنادولوده دینی قیاملر

قاراییم اوغللو ، نور علی ، مهملی

عثمان اوغللری خلق کتله سندن آریلار ق سلطنت سوداسنه دوشد کیری تاریخدن اعتباراً آنادولوده دینی قیاملر باشلادی . بو قیامک اڭ پارلاق باشلانغی سیاونالی شیخ بدرالدینک قیامیدی .

شیخ بدرالدین حادثه سندن صوکر ، آنادولوده عثمان اوغللرینک اداره سنه قارشی بویوک بر نمونیتسزک حصوله کلدی . واقعا فاتح ویاوز تکمیل آنادولوی کاملاً عثمانلی ایمراطورلغه قانیدیلر ؛ فقط آنادولو خلقنک معنوی و صمیمی محبتی جلبه موفق اولامادیلر . آنادولوده عثمان اوغللرینه اڭ زیاده عصیان ایدن یرلر ، (تکه) و (حمید) ایللریدی . بو حوالینک قیاملری ایکنجی بایزید زماننده باشلادی . شرقده صوفیوندن شاه اسماعیل ، عثمان اوغللرینه قارشی اونلرک عصیان ایتمه لری ایچین مهم و دینی بر قوت تشکیل ایدیوردی . شاه اسماعیلک اکثر خلیفه لری آنادولوده ایدی . شاه اسماعیل آنادولویه نامه لر کونده ریر ، ایجابنده هپسنی اطرافنه طویلاردی . (آذربایجان) شاه اسماعیل ایله کندیسنه تابع صوفیلرک مرکزیدی . شرقده ظهوره کلن بودینی حرکتلر ، عثمانلی ایمراطورلنی ایچین بویوک بر تهلهک ایدن . ایکنجی بایزید بو تهلهکی آکلار آکلماز اوکنی آلق ایسته دی . شاه اسماعیله تابع اولان صوفیلرک اکثری تکه وحید ایلندیدی . فقط شاه اسماعیل ایله عثمانل اردوسی بیننده محاربه وقوعه میدان قالمادی . شاه اسماعیل (تبریز) ده چکیدی . تکه وحید ایلنده کی صوفیلرک قسم اعظمی « روم ایلی یقاسنه سورلدی ، وامرای حدوده احکام تبلیغ اولندیکه من بعد صوفی نامه هیچ کنه آنادولویه کچیوب یوللر ضبط اولنه » . بونکه برابر تهکیلر دینی قیاملردن اصلا خالی قالمادیلر . بونک ایچین ده اکثریا

عثمان اوغوللارینک ال ضعیف زمانلارینی قوللادیلر . شهزاده سلیم باباسی ایکنجی بایزیده قارشى عصیان ایتشدی . عثمان اوغوللاری ایچین بوندن مهم وحیاتی برغائله اولامازدی . خصوصیه شرقدہ شاه اسماعیل ، عثمان اوغوللارینی ضعیف دوشورمک ایچین کندیلرینه دائماً ظہیر اولایلردی .

دینی قیام باشلادی . بوقیامی اداره ایدن ، قارابیق اوغلو ایدی . قارابیق اوغلونک قیامندہ ، تیکہ سانجاغندہ (الملو) قریہہسی مرکزدی . قارابیق اوغلو نہ التحاق ایدنلر بیکلرجه تورکدن مرکبدی . غوانی (شیخ اوغلو) ایدی ؛ فقط عثمان اوغوللاری اوکا (شیطان قولی) لقبی طاقدیلر .

قارابیق اوغلونک عصیانى دوغروندن دوغرویه عثمان اوغوللارینک سلطنتہ قارشیدی . حتی اطرافہ جمع اولانلرہ : « بکا ارنلردن اشارت اولمشدر . حالاً صاحب ظہور اولان شاه اسماعیلک خلیفہسیم . من بعد دولت و سلطنت بزمدر » دیوردی .

بوقیام ، عثمان اوغوللارینی تلاشه دوشوردی . قیامی باصیرمایہ آنادولو بکلر بکیسی قارا کوز پاشا مأمور اولدی . « پاشای مزبور بحرب امور اولمیوب نوعاً بودولتہ مغرور اولغین » قارابیق اوغلو نہ فارشی بیک کیشی کوندردی ، قارا کوز پاشانک عسکر طوپلاماسنہ میدان ویرمہدن قارابیق اوغلو قارا کوز پاشانی باصفینہ اوغراتدی . « یانندہ بولان جہلہ توابعی قتل عام ایتدکلرندن غیرى کندونی دخی مقام شہادتہ ایر کوردیلر . واول اطرافندہ اولان قصبات وقرایی یغما ایدوب ایستدکلری کبی متصرف اولدیلر » . اوصیرادہ ایکنجی بایزید ، شهزادہ سلیمہ (سمندیرہ) سانجاغنی ووروب باشندن صاومق وبلادن قورتولمق ایستہمشدی . ایکنجی بایزید ، اوغلو نی صاودقدن صوکرا ، آنادولوددی . دینی قیامی باصیرمق ایچین دوندی . فقط شهزادہ سلیم باباسنک تختی آلدہ ایتک ایچین دولتک اوغرادینی غائلہی فرصت اتخاذایتدی :

— آنادولو غائلہسی برطرف اولمادن بزم بو طرفدن کیتمہ مز معقول دکلدیر .

دیدى ، باباسی (استانبول) د دوندیکی صیرادہ ، اودہ (ادرنہ) یہ کیردی ، شہری اشغال ایتدی ، شہرہ کاملاً کندی آداملارینی نصب ایلدی . « اہالی مملکتہ کندونی اعلام ایچون ضبط وربطی مشعر نیجہ معاملہ لردہ » باشلادی . فقط ایکنجی بایزید رجالنک متاتی شہزادہ سلیمک فراریلہ نتیجہ لندی .

ایکنجی بایزیدی ال زیادہ مشغول ایدن ، آنادولو قیامیدی . بایزیدہ اوغلو شہزادہ احمدی کندیسنہ قطعی صورندہ ولی عہد نصب ایتدی . قارابیق اوغلونک عصیانى باصیرمایہ اونکہ برابر وزیر اعتلیم علی پاشانی مأمور قیلدی .

قیامك اك فعال بولوندوغى محیط ، تکه ایلی ایدی . قیام ایدنلر (قیزیل قیا) یه تحصن ایتشلردی .

ایکی طرفك مجادلهسی تمام اوتوزسکنز کون سوردی . قارا بیق اوغلونك معیتی بو مصرانه تجاوزلره قارشى قویایمه جقلرینی آکلادیلر ، درحال (سیواس) حوالیسنه دوغرو چکیلدیلر ، فقط بورادده علی پاشانك تعقیندن قورتولامادیلر . (کوك خان) جواری قانلی بر محاربهیه صحنه اولدی . بو محاربهده علی پاشا شهید دوشدی ، فقط قارا بیق اوغلوده اسیر ایدلدى . آرتق ایکی طرفكده مجادلهیه طاققی فالمامشدى . علی پاشا طرفدارلری قارا بیق اوغلونی درحال قتل ایتدیلر . معیتده بولان صوفیلرایسه اذربایجانده شاه اسماعيله التجا ایله دیلر .

تکه ایلندن ایرانه التجا ایدن تورکلر او درجه عظیم بر مقدارده ایدی که ، بوندن شاه اسماعیلده اورکدی ، اونلری قسم قسم آیرتمنه مجبور اولدی . کندیسنه التجا ایدن تورکلرک رئیسلرینه ایکیجی بازیده قارشى نهمسبه منی عصیان ایتدیکنی صوردیغی زمان شو جوابی آلدی :

— بازید خان غایت پیر وضعیف ، شکسته مزاج ونحیف اولوب پیرلک آفتن آلمش وتدیر امورندن قالمش ، وزلم دولتی وزراسنه تسلیم ایتمکه مملکته اختلال کلوب رعایا وبرا یاایاق آلتنده یامال اولدی . ظلملرینه تحمل ایدهمیوب بو صورتی اختیار ایتدک . شاه اسماعیل بونلری اوزون ومعاسز سؤاللره یوردی ، نتیجهده ههمسبه اهانت ایتمکدن کری دورمادی . بونکه برابر عثمان اوغوللرینه قارشى عصیان ایدن آنادولو خلقنه قارشى یاپدیغی ظلمك جزاسنی ینه عثمان اوغوللرندن ، یاووزدن پک آز زمان صوکره شمع بر صورتده کوردی . ظلمدن باشقه برشی کورمهین تکه وحید ایلی تورکلرینك اهی ، شاه اسماعیلی پک چاپوق طوتدی .

آنادولوده عصیان توکنمهدی . یاووزك جلوسی آنادولوده نور علینك قیاميله قار- شیلاندی . بو سفر عصیانك مرکزینی (قره حصار) و (نیکسار) حوالیسی تشکیل ایدیوردی . اوزمانلر ، یاووزك سلطنتی تأمین ایچین قاردشلیله چاریشدیغی صیرالردی . نور علینك اطرافته طوپلانان تورکلر یکریمی بیکدن فضلہ ایدی . آنادولوده ، یاووزك قاردشی شهزاده احمد حاکمدی .

نور علی (آماسیه) اوزرینه یورودی . شهزاده احمد ، اوزرلرینه یولار قصدی سنان پاشایی کوندردی . مدھش بر محاربه سنان پاشا اردوسنی دارماداغین ایتدی . پاشا

« هزار زور و زار ایله شهزاده‌یه طوغری قاچدی ». نورعلی ، معیتده کی آنادولولرله (توقات) د کلدی . بونلرک کافه‌سی صوفیلردندی . عثمان اوغوللردن بیزار اولان آنادولو خلقتدن قسم اعظمی نورعلی‌یه « ارادت » کتیرمشلردی . عثمان اوغوللری بونلره قارشى عاجز بروضعیتده ایدیلر . (توقات) و (آماسیه) حوالیسی نفوذلرندن کاملاً چیقمشدی . آنادولونک بوکوزل دیارینه تماماً حاکم اولان ، آنادولو خلقتی . عثمان اوغوللری ایسه اوصیراده ، تاج و تخت غوناسیه مشغوللردی .

* *

یاووزك شاه اسماعیل تأدیب ایتمه‌سی ، آنادولو ایچین آرتق قیاملرک صوکی ظن اولونابیلردی . فقط آنادولوده یریر او درجه ممنوتسزک حاصل اولمشدی که ، اوافق بر فرصت ظهورنده خلقت اوتهدن بری کورمش اولدقلری ظلملره قارشى عصیان ایتمه‌لری غیر قابلدی . بو عصیانلر ، یاووزك اڭ پازلاق ظفرلرندن صوکراییله کورولدی . یوسفر عصیانک مرکزی ، (توقات) دی .

یاووز آنادولوی تفتیش ایدهرک صوفیوندن اولانلری کاملاً قیلیجدن کچیردیکی صیراده ، (بوز اوق) ده بر صوفی واردی ؛ آدی ، جلالی ایدی . جلالی « آبدال کسوده‌سنه کیروب » اطرافه برچوق مریدلر طوپلامشدی . توقات اهاالیسی فوج جلالی‌یه التحاق ایدیوردی . خلق ، جلالی‌یه صوکه درجه منجذبیدی . اودرجه‌ده که ، عثمانلی اداره‌سک ظلمدن بیزار اولانلر ، جلالینک اطرافه طوپلانیورلردی . جلالی ، بوصورته ، پیاده و سوارى یکریمی بیکیدن زیاده مریدطوپلامایه موفق اولمشدی . یاووز ، بوقیامه مانع اولمق ایچین فرهاد پاشایی مأمور ایتدی . جلالی ، قارشینه چیقاجق قوته مقاومت ایدمه‌جکی آکلادی . ایرانه التجا ایچین (سیواس) طرفلرینه دوغرو حرکت ایتدی . فقط شهسوار اوغلی علی بک یاووزده بر جیه کوسترمک ایچین فرهاد پاشانک کله‌سنی بکله‌مدی . جلالی‌یی شدتلی بر صورتده تعقیب ایتدی . (آق شهر) ده جلالی معتنی کاملاً بوزدی . جلالی‌یی آله کچیردی ، و « هرپازه‌سنی قولاغجه ایتدی » . جلالینک ظهوری ، عثمانلی امپراطورلنک تاریخنده مهم بر حاده اولدی . اوتاریخندن اعتباراً آنادولوده عثمان اوغوللرینه قارشى عصیان ایدنلره جلالی نامی ویرلدى . فقط جلالی اولانلر ، یالکز آنادولونک ظلمدن بیزار اولان خلق دکلدی ؛ سرایه انتساب ایتدکلری حالده ، سرائک اسراف و اعتسافدن ، آنادولونک سفالت و پریشانیسندن بیزار اولان سپاهیلر و آنادولولو پاشالرده جلالی اولیورلردی .

احمد رفیعی